



ქ. ზუგდიდი

22.03.2018 წელი

ზუგდიდის მუნიციპალიტეტის საკრებულოს

განკარგულება №37

ზუგდიდის მუნიციპალიტეტის ტერიტორიაზე ცაიშის ადმინისტრაციულ ერთეულში წინასაარჩევნო კამპანიასთან (აგიტაციასთან) დაკავშირებით ზოგიერთი გასატარებელი ღონისძიებების შესახებ

საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის მე-2 პუნქტის, 61-ე მუხლის მე-2 პუნქტის, საქართველოს ორგანული კანონის „საქართველოს საარჩევნო კოდექსი“ 45-ე მუხლის მე-6, მე-8 და მე-9 ნაწილების, 46-ე მუხლის და ცაიშის ადმინისტრაციული ერთეულის ადგილობრივ მაჟორიტარულ საარჩევნო ოლქის გასამართი არჩევნების წინასაარჩევნო კამპანიის მიმდინარეობის პერიოდში ზუგდიდის მუნიციპალიტეტის ცაიშის ადმინისტრაციული ერთეულის ტერიტორიაზე არსებული შენობა-ნაგებობების გარე იერსახის დამახინჯებისა და საარჩევნო ატრიბუტიკის (პლაკატები, ლოზუნგები და სხვა) შეუფერებელ ადგილებში განთავსების აღკვეთის მიზნით ზუგდიდის მუნიციპალიტეტის საკრებულომ მიიღო განკარგულება:

1. ზუგდიდის მუნიციპალიტეტის ცაიშისა და ცაცხვის ადმინისტრაციულ ერთეულებში საარჩევნო სუბიექტების სარეკლამო პლაკატები განთავსდეს ცაიშის ადმინისტრაციულ ერთეულში არსებულ სპეციალურ სტენდებზე;
2. განკარგულების პირველი პუნქტით გათვალისწინებულ სტენდებზე თითოეულ საარჩევნო სუბიექტს უფლება აქვს გააკრას არაუმეტეს 3 ცალი საარჩევნო პლაკატი ზომით არაუმეტეს სიგრძე - 60 სმ, სიგანე - 42 სმ (A2 ფორმატი);
3. საარჩევნო სააგიტაციო მასალები ასევე შეიძლება განთავსდეს ზუგდიდის მუნიციპალიტეტის ცაიშისა და ცაცხვის ადმინისტრაციულ ერთეულებში მდებარე გარე განათების ბოძებზე და მგზავრთა მოსაცდელელებში;
4. გამოყოფილი ადგილი და განთავსების პირობები ყველა საარჩევნო სუბიექტისათვის თანაბარია;
5. ბეჭდვითი სააგიტაციო მასალები შეიძლება გამოიფინოს შენობა-ნაგებობებსა და სხვა ობიექტებზე მათი მესაკუთრეების ან მფლობელების თანხმობის შემთხვევაში;
6. შესაბამისი საარჩევნო სუბიექტი ვალდებულია არჩევნების საბოლოო შედეგების ოფიციალურად გამოქვეყნებიდან 15 დღის ვადაში უზრუნველყოს სააგიტაციო მასალის ჩამოხსნა, წინააღმდეგ შემთხვევაში მას დაეკისრება საქართველოს კანონმდებლობით გათვალისწინებული პასუხისმგებლობა;
7. ზუგდიდის მუნიციპალიტეტის მერიამ წინასაარჩევნო პერიოდში ხელი შეუწყოს საარჩევნო სუბიექტებს ამომრჩევლებთან შეხვედრებისა და კრებების, საჯარო დებატებისა და დისკუსიების, შეკრებების და მანიფესტაციების ორგანიზებასა და ჩატარებაში; დაიცვას მათი უსაფრთხოება სამართალდამცავი ორგანოების მეშვეობით;
8. მასობრივი ღონისძიებების ჩასატარებლად ზუგდიდის მუნიციპალიტეტის საკუთრებაში არსებული შენობები უსასყიდლოდ დაეთმოს საარჩევნო კომისიებს;

9. საარჩევნო ღონისძიებების გამართვასთან (წინასაარჩევნო კამპანიის (აგიტაციის)) დაკავშირებით გამოყოფილ იქნეს ცაიშის საჯარო სკოლის დარბაზი (გოგებაშვილის ქ.№17);
- 10.საქართველოს ორგანული კანონის „საქართველოს საარჩევნო კოდექსი“ 93-ე მუხლის მე-4 ნაწილის შესაბამისად, უკანონოდ ჩამოხსნილი, ჩამოხეული, დაფარული ან დაზიანებული საარჩევნო პლაკატების ამ კანონის მე-80 მუხლით გათვალისწინებულ ადმინისტრაციულ სამართალდარღვევათა ოქმები შეადგინოს ზუგდიდის მუნიციპალიტეტის მერიის ზედამხედველობისა და არქიტექტურის სამსახურის პროფესიულმა საჯარო მოხელეებმა;
- 11.მიეცეს თანხმობა ზუგდიდის მუნიციპალიტეტის მერს ზუგდიდის მუნიციპალიტეტის საკუთრებაში არსებული ზუგდიდის მუნიციპალიტეტის ცაიშისა და ცაცხვის ცაიშის ადმინისტრაციულ ერთეულის ტერიტორიაზე მდებარე შენობა-ნაგებობები (№67 ზუგდიდის საოლქო საარჩევნო კომისიის მოთხოვნის შესაბამისად) უსასყიდლო უზუფრუქტის ფორმით, აუქციონის გარეშე საუბნო საარჩევნო კომისიების საქმიანობის ვადით გადასცეს №67 ზუგდიდის საოლქო საარჩევნო კომისიას;
- 12.მიეცეს თანხმობა ზუგდიდის მუნიციპალიტეტის მერს ზუგდიდის მუნიციპალიტეტის საკუთრებაში არსებული ინვენტარი (მოძრავი ქონება) №67 ზუგდიდის საოლქო საარჩევნო კომისიის მოთხოვნის შესაბამისად თხოვნის ფორმით, აუქციონის გარეშე უსასყიდლო სარგებლობაში (თუ ამით არ შეფერხდება მუნიციპალიტეტის სტრუქტურული ერთეულების საქმიანობა) გადასცეს საუბნო საარჩევნო კომისიების საქმიანობის ვადით;
- 13.საქართველოს ორგანული კანონის „საქართველოს საარჩევნო კოდექსი“ 58-ე მუხლის პირველი პუნქტის შესაბამისად, საარჩევნო კომისიებისათვის გადაცემული შენობა-ნაგებობების კომუნალური ხარჯები დაიფაროს ზუგდიდის მუნიციპალიტეტის ადგილობრივი ბიუჯეტიდან;
- 14.დაევალოს ზუგდიდის მუნიციპალიტეტის მერიას, საკრებულოს აპარატს საარჩევნო სუბიექტების სარეკლამო პლაკატების განთავსებისთვის გამოყოფილი ადგილების შესახებ ინფორმაციის გამოქვეყნების უზრუნველყოფა არჩევნების დანიშნვიდან არაუგვიანეს 10 დღისა ვებგვერდზე და გამოიკრას ზუგდიდის მუნიციპალიტეტის ადგილობრივი თვითმმართველობის ორგანოების (საკრებულო/მერიის) ადმინისტრაციულ შენობაში (მის. ქ. ზუგდიდი ზ. გამსახურდიას გამზ. №45 და რუსთაველის ქ. №90);
- 15.ეთხოვოს შსს სამეგრელო-ზემო სვანეთის სამხარეო მთავარი სამმართველოს ზუგდიდის რაიონულ სამმართველოს წინასაარჩევნო კამპანიის მიმდინარეობისას განკარგულებით გათვალისწინებული წესების დარღვევის ფაქტების აღკვეთა;
- 16.განკარგულება გადაეგზავნოს №67 ზუგდიდის საოლქო საარჩევნო კომისიას და ზუგდიდის მუნიციპალიტეტის მერიას.
- 17.განკარგულების მოქმედება გავრცელდეს 2018 წლის 13 მაისის ცაიშის ადმინისტრაციული ერთეულის ადგილობრივ მაჟორიტარულ საარჩევნო ოლქის არჩევნებზე;
- 18.განკარგულება ძალაშია ხელმოწერისთანავე;
- 19.განკარგულება შეიძლება გასაჩივრდეს კანონმდებლობით დადგენილი წესის შესაბამისად გაცნობის დღიდან 1 თვის ვადაში ზუგდიდის რაიონულ სასამართლოში (მის. ქ. ზუგდიდი, რ. ლალიძის №12).

ზუგდიდის მუნიციპალიტეტის
საკრებულოს თავმჯდომარე



მამუკა წოწერია